

SO WHAT

- Bakit si Jesus ay tiwala at panatag ang loob kahit na sa paghuhugas Niya ng paa ng mga disipulo?
- Paano ka kaya tutugon kung nihugasan ni Jesus ang mga paa mo? Gaano kahigit pa ang kamatayan ni Jesus sa mga ito?
- Ayon sa Hebreo 12:2, papaano tiniis ni Jesus ang sakit, kahihiyan, at paghihirap sa krus?

NOW WHAT

- Ngayong alam mo na kung ano ang ginawa ni Jesus—ang Anak ng Diyos—sa pamamagitan ng Kanyang kamatayan sa krus, pagkalibing at pagkabuhay ng muli, papaano ka mamumuhay? Papaano mo ipapakita ang iyong pagsamba at pagpuri sa Kanya sa araw-araw?
- Naisuko mo na ba ang iyong sarili kay Kristo at tumalikod sa kasalanan? Papaano ka mamumuhay bilang tagasunod ni Jesus araw-araw?
- Sa linggong ito, kanino mo maaaring ibahagi ang kwento ng ginawa ni Jesus sa krus?

PRAYER

- Magpasalamat sa Diyos sa Kanyang dakilang pagmamahal sa atin at sa pagpapadala Niya ng Kanyang Anak na namatay sa krus para sa atin.
- Ipanalangin na ang iyong buhay ay maging matapat sa Diyos at sa Kanyang layunin. Magpasya na manilbihan sa Kanya sa bawat sandali ng iyong buhay.
- Hingin sa Diyos ang tapang at talino na magbahagi ng Mabuting Balita sa iyong mga kaibigan at mga kaanak sa linggong ito. Ipanalangin na ang Diyos ay palagian mong makasama sa tuwing may pagtitipon, pagkakasama-sama, at mga kaganapan.

WEEK 1 FILIPINO



Ang Mapagkumbabang Hari

NOTES

CONNECT

- Anong pangyayari na hindi mo inaasahan ang nangyari sa iyo kamakailan lang?
- Mahilig ka ba sa mga sorpresa? Bakit o bakit hindi? Balikan ang isang pangyayari at ipaliwanag ito.
- Sino ang kilala mo na pinakamapagkumbaba? Sa palagay mo, bakit siya mapagkumbaba?



Karapatang Pag-aari © 2014
 Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan. Ito ay hindi pinagbibili.
victory.org.ph

WORD

⁵"Sabihin ninyo sa mga naninirahan sa Zion na paparating na ang kanilang hari! Magpagpakumbaba siya, at nakasakay sa asno, sa isang bisirong asno." ⁶Ginawa nga ng mga tagasunod ang iniutos ni Jesus. ⁷Dinala nila ang asno at ang bisiro nito kay Jesus. Sinapinan nila ang mga ito ng kanilang mga balabal at sumakay si Jesus. ⁸Maraming tao ang naglatag ng mga balabal nila sa daan. Ang iba naman ay pumutol ng mga sanga ng kahoy at inilatag sa daan. ⁹Ang mga tao sa unahan ni Jesus at ang mga nasa hulihan ay sumisigaw, "Purihin ang anak ni David! Pagpalain ang dumarating sa pangalan ng Panginoon! Purihin ang Diyos!" MATEO 21:5-9

WHAT

Inasahan ng mga Israelita ang isang Mesiyas o Tagapagligtas na siyang magpapataob sa Roma at magbabalik sa bayan ng Diyos sa kanilang maluwalhating panahon. Para sa atin, kilala natin Siya bilang isang Anak ng Diyos na namatay para sa ating mga kasalanan subalit madalas ay hindi natin lubos na nauunawaan kung sino Siya talaga. Ngunit si Jesus, bilang Mesiya at Anak ng Diyos, ay hindi naaakma sa larawan ng hari na naiisip natin. Si Jesus ay hindi umastang parang isang hari, kahit na Siya ang Hari ng mga hari. Sa aral na ito, titingnan natin si Jesus bilang isang mapagkumbabang hari.

1 Nanilbihan Siya tulad ng isang alipin.

³Alam ni Jesus na ang lahat ng kapangyarihan ay ibinigay sa kanya ng Ama. At alam din niyang galing siya sa Diyos at babalik din sa Diyos. ⁴Tumayo si Jesus habang naghahapunan sila. Hinubad niya ang kanyang damit-panlabas at nagbigkis ng tuwalya sa baywang niya. ⁵Pagkatapos, nagbuhos siya ng tubig sa isang planggana, at sinimulang hugasan ang paa ng mga tagasunod niya at pinunasan ng tuwalyang nakabigkis sa kanya. JUAN 13:3-5

Inako ni Jesus ang pinakamababang katayuan sa harapan ng mga disipulo nang Kanyang hugasan ang mga paa nito. Siya ay namuno sa pamamagitan ng paninilbihan, subalit ang pinakamatinding serbisyo na Kanyang ginawa ay ang Kanyang pagkamatay sa krus. Bukod sa paghuhugas ng mga paa ng mga disipulo, papaano pa naglingkod si Jesus sa iba habang Siya ay narito sa daigdig?

2 Pinarusahan Siya tulad ng isang may-sala.

³Hinamak siya at itinakwil ng mga tao. Dumanas siya ng mga sakit at hirap. Tinalikuran natin siya, hinamak, at hindi pinahalagahan. ⁴Ang totoo, tiniis niya ang mga sakit at mga kalungkutang dapat sana'y tayo ang dumanas. Ang akala natin ay pinarusahan siya ng Diyos dahil sa kanyang mga kasalanan. ⁵Ang totoo, sinugatan siya dahil sa ating mga pagsuway; binugbog siya dahil sa ating kasamaan. Ang parusang tiniis niya ang naglagay sa atin sa magandang kalagayan. At dahil sa mga sugat niya ay gumaling tayo. ISAIAS 53:3-5 (BASA DIN ANG MATEO 27:28-50.)

Si Jesus, ang ating mapagkumbabang Hari, ay kinasuklaman, hinagupit, ipinahiya, ginulpi, pinagpapalo, niluray-luray, tinusok, at pinako sa krus. Siya ay nilait at binigyan ng koronang may mga tinik at binigyan ng kapa tanda ng pantlalait sa Kanya dahil sa pag-angkin Niya na Siya ay isang Hari. Lahat ng ito ay ginawa sa Kanya na parang isang may sala, gayung Siya ay walang kasalanan. Siya ay malinis at walang kasalanan, mapagpakumbaba at mabuti, mapagmahal at matapat, matulungin at maawain, at namatay upang tayo ay mabuhay. Tiniis Niya ang kahihyan, sakit, at kaparusahan dahil sa ating kasalanan para sa ating kapakanan. Papaano ka binabago ng iyong pang-unawa sa ginawa sa iyo ni Jesus sa krus?

3 Namatay Siya na parang isang kriminal.

Kahit na wala siyang ginawang kasalanan at anumang pandaraya, inilibing siyang parang isang kriminal; inilibing siyang kasama ng mga mayayaman. ISAIAS 53:9

Pinatay si Jesus dahil sa ating mga kasalanan, at muling binuhay para tayo'y maituring na matuwid. ROMA 4:25

Ang kamatayan ni Jesus ay parang isang palabas na pampubliko. Pinako Siya kasama at sa pagitan ng dalawang kriminal, at Siya ay inakusahan gayong Siya ay inosente. Ang pagkamatay ni Jesus ay isang paghahalili— inako Niya ang ating dapat kalagayan at binayaran ang kaparusahan ng ating kasalanan. Inako Niya ang ating kahihyan at binigyan tayo ng Kanyang biyaya. Siya ay naging alay para sa ating kaligtasan. Papaano naging ganap na tagumpay ang kamatayan ni Jesus para sa atin?
